

ԱՖՈՐԻԶՄՆԵՐԸ ՊԱՐՈՒՅՐ ՍԵՎԱԿԻ
«ՈՒԹՆՅԱԿՆԵՐ» ՇԱՐՔՈՒՄ

Ամեն մի գրող իրեն հատուկ հոգեկերտվածքի դրսևորումներն է արտացոլում իր արվեստում, ստեղծում է գեղագիտական իր համակարգը: Ինքնատիպ արվեստագետ-գրող լինելու նախապայմանը ուրույն ներաշխարհի ունենալն է:

Պ. Սևակի ինքնարտահայտման լավագույն դրսևորումը նրա գրական հարուստ ժառանգությունն է:

Պ. Սևակը գտնում էր, որ իսկական արվեստի երկի հիմնական առաղծը ոչ թե ձևի կարևորության մեջ է, այլ ասելիքի,՝ե խորագետ գրողը պետք է ստեղծագործության մեջ առաջնայինը համարի կյանքի արտահայտությունը, իրականը վերարտադրելու և այն որպես արվեստի գործ ներկայացնելու իրողությունը: «Արվեստի զարգացման կեռմանները մտովի անցած մարդը, գրում է Պարույր Սևակը,՝ չի կարող ինքն իրեն և ի լուր ամենեցուն չասել, որ վերջին հաշվով կարևորը ոչ թե ինչպեսն է, այլ ինչ-ը»:¹ Ձևի և բովանդակության խնդրում բանաստեղծը ձևի կարևորությունն ընդունում է այնքանով, որքանով այն անհրաժեշտ է գաղափարի արտահայտության համար: Բանաստեղծի առաջադրած պահանջից էր բխում.«... ճշմարիտ բանաստեղծության պաշտպանություն , ընդդեմ փուչ ու ճոճոան, գանգրահեր և ուռուցիկ բառերի ոտանավորչության»:² Նրա գեղարվեստական յուրացումների, իրականության և մարդու ներաշխարհի ընդերքային բարդ շերտերի մեջ մերժվում է «ոտանավորչության» գաղափարը: Իրական աշխարհի ձևերի մեջ էր Պարույր Սևակը բանաստեղծություն գտնում: Սերժելով «Ֆոլկլորային մտածելակերպը», Սևակը մերժում էր նաև նրա օրակարգային խնդիր լինելու հարցը, միաժամանակ, սակայն, չէր ժխտում, որ յուրաքանչյուր ազգի գրող, կարևորելով բանահյուսության «անկրկնելի հմայքն ու հարստությունը», ինչպես օդից, պիտի օգտվի դրանից, և որպես առաջնային խնդիր նրա համար պիտի մնա «հարաբերականության տեսության աղը ծամած», «բվանթային տեսությունը համտեսած» ընթերցողին գոհացնելը: Պարի, պատմության համաշխարհային քաղաքակրթության հետ համընթաց քայլի խնդիրն էր առաջ քաշում Պ. Սևակը. «մտնել ոգու ոլորտները, շահագործել *հոգու* հարստությունը»:³

¹ Պ. Սևակ, Վերնագիրը վերջում, Եր., 1991, էջ 18:

² Պարույր Սևակ, Երկերի ժող., հ.5, Եր., 1974, էջ 407:

³ Պարույր Սևակ, Երկեր, հ-5, 1974, էջ 261: Ընդգծումները՝ տեքստում:

1957-ին լույս տեսավ «Նորից քեզ հետ» բանաստեղծությունների ժողովածուն, որի մի առանձին բաժինն է «Ութնյակներ» շարքը: (1956)

Յուրաքանչյուր բանաստեղծություն ինքնին իսկական արվեստի գործ է, եթե ունի ընթերցողի հուզական աշխարհի վրա ներգործելու ուժ, մարդկային գիտակցական և ենթագիտակցական ոլորտների ամանցանելի սահմանը թափանցելու և դեպի ինքը կրկին անգամ վերադարձ ապահովելու գաղտնիքը: Մարդկային բարոյահոգեբանական ըմբռումներն ու աշխարհայեցությունը մարմնավորելու համար բանաստեղծն ընտրել է պոետիկական այնպիսի միջոցներ, որոնք սեփական էության ու խառնվածքի ծնունդ են. դրանց արտացոլումը նրա գեղարվեստական համակարգում յուրովի ձև է ստանում՝ ներքին հզոր լարվածությամբ, համակողմանի և խոր վերարտադրելու ընդգրկունությամբ, ամակնկալ «հայտնություններով», պատկերային ու կառուցվածքային «ամակնկալ» լուծումներով:

Ժամանակի առավել ճշմարտացի և առավել խոր դիտարկումները գրողը ներկայացնում է նաև պատկերամտածողության այս ոլորտում: Փիլիսոփայական խորք ունեն «Ութնյակները», անցած ճանապարհից քաղած դասերից մարդը փորձ է ձեռք բերում, իմաստնանում, հասունանում և չարն ու բարին, կյանքի խտրական ու անիրավ կողմերը տարբերակելիս՝ հանգում ճշմարիտ նկատումների:

<i>Տաքն ի՞նչ իմանա,</i>	<i>Նա՛, ով շատերին</i>	
<i>Թե պաղն ինչ է:</i>	<i>Կսկիծ է տվել,</i>	
<i>Վերքը կիմանա,</i>	<i>Ինչպե՞ս իմանա</i>	
<i>Թե աղն ինչ է:</i>	<i>Թե դաղն ի՞նչ է:⁵</i>	/258/

Բանաստեղծի ութնյակները գրվել են կարծես իր իսկ դիմանկարի ամբողջացման համար՝ ըմբռումների և գործնականում ունեցած վաստակի համատեղության նպատակով: Վերացական և շինծու զգացումներով պոեզիան երբևէ չի ընդունել Պ.Սևակը:

Պ.Սևակը հետազոտական մանրակրկիտ աշխատանք է տանում յուրաքանչյուր ութնյակում, մարդախուզական աշխատանք, որն ինքնանպատակ չէ. զատ-զատ նա «լուսավորում» է մարդկային էության առանձին անկյունները, որոնում դեռևս չբացահայտված խորքեր:

Ժամանակի մարդուն և մարդուն՝ ընդհանրապես, Սևակը դիմականգերծում է հենց նույն ժամանակի առաջ՝ մետաֆորային- հեզոնական խոսքի շեշտերով մղելով նրան դեպի ինքնաճանաչման դժվարընթաց ճանապարհը:

⁵ Պարույր Սեփակ, Երկ. ժող., հ-1, Եր., 1972, էջ 258: Ընդգծումները մերն են՝ Ն. Բ.: Այսուհետ բոլոր բանաստեղծությունները նույն գրքից:

*Տե՛ս, շատերը չեղած գարուց
Բերք են վերցնում մեկին հազար,
Իսկ քո ոսկի ցորենից էլ՝ մեկ էլ տեսար՝
Փո՛ւշ կբուսնի, -ի՛նչ իմանաս:*

Կամ՝

*Նա ուրիշի շուղն է տեսնում՝
Մոռանալով իր գերանը. /262/*

Ետպատերազմյան հայ պոեզիան ավելի բարձր զարգացման հասավ 50-ական թվականների վերջերից սկսած, հասարակական-քաղաքական «ծնհալի» տարիներին: Բյուրոկրատիզմի, հոգևոր ու բարոյական արժեքների անկման սոցիալական անարդարությունների դեմ անգիջուն պայքարի և այդ տրամադրությունների բովում թրծված իր գեղագիտական հավատամքի կայունությամբ է Սևակը ստեղծում իր «Ութնյակներ» շարքը՝ խորապես ընդգծելով հասարակական տրամադրությունների ուղղվածությունը, այսպիսով, իր քաղաքացիական նկարագրին հաղորդելով նաև ժամանակի շունչն ու ոգին:

Ետչարենցյան սերունդը՝ Զ. Սահյանի, Ս. Կապուտիկյանի, Մ. Մարգարյանի, Գ. Էմինի, Վ. Դավթյանի, Զր. Զովաննիսյանի գլխավորությամբ, կարողացավ հաղթահարել բազմաթիվ հակասություններով ու բարդություններով լեցուն այդ ժամանակահատվածը՝ հավատարիմ մնալով ազգային ոգուն ու գաղափարաբանությանը:

Նրանց նվագներից զգացվում էին ազգային-ժողովրդական ոգու, բնավորության, գծերի ու գույների, մայրական սիրո, կարոտի ու երազի, Զայաստանին և հայ ժողովրդին նվիրված բանաստեղծական ընդհանրացումները, այդ ոգու համն ու հոտը:

Պ.Սևակի պոեզիան առավելապես աչքի էր ընկնում ճիշտ շեշտադրության, փիլիսոփայական խոհի, մետաֆորային մտածողության ու գեղագիտական հստակ զուգորդությունների համաձուլվածքով:

Օգտվելով բանահյուսության բազմադարյան շտեմարանի հարուստ պաշարից՝ Սևակը երբեմն դիմել է նաև ժողովրդական ասացվածքներին՝ «Շատի ետևից ընկնողը, քիչն էլ ձեռքից բաց կթողնի», «Մի ձեռքով երկու ձմերուկ չես բռնի», և բանաստեղծականացրել դրանք:

Աններդաշնակ իրականության պայմաններում էր ապրում բանաստեղծը՝ «դանդա՛ղ, աննկա՛տ» ուռչող, բայց հանկարծակի՝ պայթող «վտանգից», «դանդա՛ղ, աննկա՛տ» մետաղից ծնվող և այդ նույն մետաղը կրծոտող ժամանակի «ժանգից» պետք էր ապահովագրվել, քանի դեռ չի հնչել տագնապի այն սուր ահազանգը, որ չի թողնի արդեն կազմել դեռևս գոյություն չունեցող ժողովածուի ցանկը:

Հանկարծակի է պայթում վտանգը,
Բայց նա ուռչում է դանդա՜ղ, աննկա՛տ,
Դանդա՜ղ, աննկա՛տ՝ մետաղից ծնվում
Ու նույն մետաղն է կրծոտում ժանգը: /261/

Կարծես թե մաթեմատիկական պարզ օրենք է՝ «գումարելիների տեղափոխությունից, գումարը չի փոխվում», սակայն այս օրենքի շնորհիվ է, որ բազում բարդ խնդիրներ և անհայտներով հավասարումներ են լուծվում: Այդպես էլ՝ «հարյուրը՝ հարյուր, հազարն էլ հազար է մնում» և որքան կուզես «փոշտա», քանի որ «փոշտալու», «մրսելու» և «հազալու» միջև եղած տարբերությունը պատմականորեն ապացուցված երևույթ է, և որքան կուզեն, թող «բարձր սաղարթներից» ու «մայիսյան վարդերից» խոսեն, միևնույն է՝

*Ախար ի՜նչ օգուտ-աշունը՝ աշուն,
հազալն էլ խազալ է մնում: /258/*

Ժամանակի պարտադրած թեմաների ու տրամադրությունների այս ներհակ հանգուցակետերում էլ սրվում են կյանքի հակասականության մեջ փիլիսոփայական խռիի, մտահղացումների և դրանց յուրօրինակ կատարումների սևակյան դրսևորումները, որոնք հայ պոեզիայի հազվագյուտ նմուշներ են: Սարդը, որպես բանական էակ, բնության մեջ գտնվող ամեն մի երևույթից՝ «անշունչ ցողունից» ու «մեղվից» վե՛ր է իր գիտակցությամբ ու ապրումներով: Անհատականացնելով մարդուն՝ Սևակը բացահայտում է նաև նրա զնահատման բարոյական բարձր սկզբունքները.

*Դու, որ մարդ ես՝ ոչ մեղու
Ոչ էլ ցողուն մի անշունչ,
Ամեն «սխալ» մի՛ ծաղկիր,
Ամեն «սխալ» մի՛ շտկիր: /259/*

Զահել ու անփորձ երիտասարդի ամբարտավանության հասնող ինքնավստահությունն ու խանդավառությունն է բացահայտում 18-րդ ութնյակում: Երիտասարդին «բլրաշատ» կյանքը դեռ «հարթավայր» է թվում, քանի դեռ նա չի ճաշակել կյանքի մատուցած անակնկալ խոչընդոտներն ու սահմանները, չի անցել ոլորապտույտ ճանապարհներով. և չգիտի, որ՝ «ծավարը ցորենն է, որ ծիլ չի տալիս»: /226/ Հոգևոր ու բարոյական արժեքների կորուստներն իրենց վառ արտահայտությունն են գտել հաջորդ ութնյակներում:

*Շատ թեթև զանցանքի դիմաց
Շատ ծանր հանցանք են գործում: /260/*

Շարքի տասնիճը ութնյակներն էլ իրար կապված են գաղափարական-բովանդակային հանգույցով. Դրանք ինքնատիպ առանձին բանածևեր են, թևավոր խոսքեր, աֆորիզմներ, որոնք արտացոլում են ժամանակի մահադիթ հեքը: Փիլիսոփայական խոր հենք ունի վերջին ութնյակը. անհատի հոգեկերտվածքի ձևավորման մեջ մեծ դեր է խաղում տարիքը, և ամեն նոր բացվող

որ աստիճանաբար փոխում է նաև մարդու աշխարհայացքը, ուրիշ է թվում թե՛ «աննեղիքը», և թե՛ «տալիքը».

խստադեմ գալիքն է նայում.
Մեզանից ի՞նչ պիտի մնա,
Երբ անցնի օրվա հետ մեկտեղ
Օրերի փրփուր ալիքը: /267/

Կյանքը կարճ է՝ «օրերի փրփուր ալիքն» անցնում է, իսկ գալիքը 1956-ին դեռևս ավելի քան խստադեմ էր: Օրերի այդ խառնաշփոթ հոլովությունների և իրարամերժ, հակասական իրադրությունների հյուսվածքում՝ Պ.Սևակը հանգում է փիլիսոփայական խոր ընդհանրացման.

Թե դատարկ է
Անցյալդ
Ի՞նչ իմանաս՝
Յուշն ինչ է: /261/

Պ. Սևակի պոեզիան դեռևս չընթերցված շատ էջեր ունի ու չասվածն ու չբացահայտվածը ասվածից ու բացահայտվածից ավելի շատ է, և որքան խորն են նրա տաղանդի արմատները, այնքան ընդերքն ավելի հարուստ ու բազմաշերտ է: